



Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 18. stav (2) i člana 10a. stav (1) alineja a) Zakona o javnim nabavkama BiH („Službene novine BiH“, broj: 39/14 i 59/22) i Odluke Vlade Unsko-sanskog kantona, broj: 03-02-51-922/2024 od 15.07.2024. godine, direktor Kantonalne uprave civilne zaštite donosi:

ODLUKU

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzima se nabavka neizgrađenog gradskog građevinskog zemljišta u Bihaću za potrebe izgradnje skladišnog prostora za smještaj materijalno tehničkih sredstava Kantonalne uprave civilne zaštite, procijenjene vrijednosti do 100.000,00 KM.

Član 2.

Predmetna nabavka će se finansirati iz Budžeta Unsko-sanskog kantona za 2024. godinu, razdjel 27, glava 01, potrošačka jedinica 0001, funkcionalni kod 0220, izvor prihoda 10 – ekonomski kod 821100 – Nabavka zemljišta, šuma i višegodišnjih zasada.

Član 3.

Ova Odluka stupa na snagu danom donošenja i biti će objavljena na službenoj web stranici Uprave (www.czusk.ba).

OBRAZLOŽENJE

Materijalno-tehnička sredstva Kantonalne uprave civilne zaštite trenutno su smještena u objektu kasarne u naselju Orljani u Bihaću, koji je Uprava dobila na korištenje od Vlade Unsko-sanskog kantona. Ovaj objekat ni prostorno ni gabaritno ne odgovara potrebama koje Kantonalna uprava civilne zaštite ima, naročito zbog nemogućnosti neometanog i brzog pristupa velikih kamiona i mašina. Članom 10a. stav (1) alineja a) Zakona o javnim nabavkama definirano je da se Zakon o javnim nabavkama, između ostalog, ne primjenjuje na ugovor o javnoj nabavci usluga za sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču.

Članom 18. stav (2) istog Zakona propisano je da je, u slučaju izuzeća od primjene iz člana 10 Zakona o javnim nabavkama, ugovorni organ dužan donijeti odluku, koja, osim zakonske osnove za izuzeće od primjene ovog Zakona, sadrži elemente iz stava (1) tačke b), c) i d) Zakona o javnim nabavkama.

U skladu s članom 25. stav (1) tačka 2. Zakona o porezu na dodatu vrijednost („Službeni glasnik BiH“, broj: 9/05, 35/05, 100/08, 33/17, 46/23 i 80/23) i članom 33. stav (1) Pravilnika o primjeni Zakona o porezu na dodatu vrijednost („Službeni glasnik BiH“, broj: 93/05, 21/06, 60/06, 6/07, 100/07, 35/08, 65/10, 85/17, 44/20, 47/22, 87/22 i 62/03) promet predmeta nabavke je oslobođen od obaveze plaćanja poreza na dodatu vrijednost.

Shodno naprijed navedenom ispunjeni su uslovi za izuzeće od primjene Zakona o javnim nabavkama, te je odlučeno kao u dispozitivu.

Broj: 15-11-8- 9202 -1/24

Dana, 19.07.2024. godine



DIREKTOR
Dževad Livaković, prof.